

四庫全書

史部

欽定四庫全書

史部
欽定歷代職官表卷三十二

內閣中書臣瞿熙覆勘

纂修臣黃校勘宗人府事臣鮑之鍾

膳錄臣拔貢生蘇廷煜

大正町

領協場牧	校軍護場牧	長翼場牧
------	-------	------

欽定歷代職官表

11

諸牧割
監
諸牧助
都督

司

諸牧府	諸牧園
官	諸牧府

羣牧司
托迪

牝牡

牧羴首
戶

各牧監
監制

達山固署委

[illegible]

太僕寺

國朝官制

太僕寺卿滿洲漢人各一人

從三品

少卿滿洲漢人各一

人

正四品

掌兩翼牧馬場之政令凡遇

車駕行幸以卿少卿一人隨

蹕司慢城網城馱載索駝每歲夏季則以卿少卿一人

率屬赴牧場稽其孳生斃損之數分注於冊三年

乃均齊之以定賞罰焉

國初置太僕寺附于兵部武庫司設卿滿洲漢人各
一人少卿滿洲二人漢人一人寺丞滿洲漢人各
一人順治元年十二月省太僕寺九年復置十五
年省寺丞員額十六年復置康熙二年仍省雍正
三年始建衙署于正陽門之東乾隆十三年省滿
洲少卿一人近歲以來以大臣兼管寺事皆由

特簡無常員

左司員外郎滿洲蒙古各一人主事滿洲蒙古各一人
掌馱載幔城網城之駝隻以備

巡幸之用初制不分司設滿洲員外郎八人雍正三年
省二人改設蒙古員外郎二人乾隆六年始置左
右二司各分職掌給以印信十三年定原設員外
郎八人改為滿洲員外郎二人蒙古員外郎二人
滿洲主事二人蒙古主事二人

右司員外郎滿洲蒙古各一人主事滿洲蒙古各一人

金史卷三十一
掌察驗牧場馬匹盈虧以時印烙

主簿滿洲一人

正七品

掌章奏文移初置漢人主簿一人康熙二年省雍正二年復置滿洲主簿一人

筆帖式滿洲八人蒙古八人

初制滿洲筆帖式十有一人蒙古四人漢軍二人

康熙二年省滿洲筆帖式三人雍正三年省漢軍

員額乾隆三年增置蒙古筆帖式四人

職事具吏部篇

謹按太僕寺初置常盈庫以直隸山東河南額徵馬價銀六十餘萬解寺貯庫歲終覈銷設漢大使一人掌之尋以馬價銀歸併戶部省常盈庫大使員額謹識于此

統轄兩翼牧場總管一人

以察哈爾副都統兼管

兩翼總管各一

人 正四品

翼長各一人

正五品

護軍校各四人

初制八品後陞為正七品

以上皆蒙古員額

駐劄張家口辦理牧場事務主事一人筆帖

式一人

牧場置于張家口外左翼四旗在哈喇尼墩井東
西百五十里南北百三十里右翼四旗在齊齊爾
漢河東西百五十里南北三十二里馬羣百九十
二每羣牧長牧副各一人牝馬羣百六十每羣牧
丁八人牡馬羣三十二每羣牧丁十有四人護軍
三百十有四人總管翼長居適中之地綜治牧政
護軍校協領等各巡牧所禁盜馬及墾耕者統轄
總管乾隆十三年置以察哈爾副都統兼理總管

康熙四十四年置護軍校等員雍正元年置又原
置有副管二人防禦二人翼領四人驍騎校三人
今俱省凡總管員闕於察哈爾佐領世爵及牧場
翼長等官內選用翼長以下員闕於護軍校等官
次第選用皆由寺引

見除授張家口辦理牧場事務官於本寺主事筆帖式
內各揀選一員五年輪請更換

歷代建置

三代

春秋左氏傳少康為仍牧正杜預注牧官之長
竹書紀年周公季歷伐余無之戎克之命為牧師
詩大雅出車篇我出我車于彼牧矣毛亨傳出車
就馬于牧地鄭康成箋西伯以天子命出車牧地
詩無羊宣王考牧也鄭康成箋厲王之時牧人之
職廢宣王始興而復之

謹按劉向列仙傳稱馬師皇為黃帝馬師其說

無據而夏之牧正殷之牧師皆見于經傳則典
牧之官其由來固已久矣

列子黃帝篇周宣王之牧正有役人梁駕者能養
禽獸

尚書小序穆王命伯冏為周太僕正作冏命孔安
國傳太僕長太御中大夫孔穎達疏正訓長也周
禮太御中大夫太僕下大夫孔以此言太僕正則
官高於太僕故以為周禮太御

周禮夏官太僕下大夫二人掌正王之服位出入王之大命王出入則自左馭而前驅

淮南子時則訓命太僕及七駟咸駕戴荏授車以級

齊職儀太僕周官也尚書稱穆王命伯冏為太僕正是也益為衆僕之長

謹案今太僕寺之官雖沿周太僕舊名然其職掌實迥不相合蓋僕本侍御於尊者之名其下

有祭僕御僕隸僕諸官而以太僕為之長故稱太僕所司在正服位詔法儀常居於大寢之門內以左右王當如今之領侍衛內大臣及

御前大臣其出入大命掌諸侯之復逆則又如今之奏事處及通政使司其左馭前驅則又如今之鑾儀衛而馬政別掌于校人諸職不闕太僕今據其官守所在已分繫之領侍衛內大臣等篇特以稱名所承沿襲有自故亦並載于此表而

附識古今異同之故以著其實云

周禮夏官校人中大夫二人上士四人下士十有
六人府四人史八人胥八人徒八十人掌王馬之
政辨六馬之屬種馬一物戎馬一物齊馬一物道
馬一物田馬一物駑馬一物凡頒良馬而養乘之
乘馬一師四圉三乘為皐皐一趣馬三皐為繫繫
一馭夫六繫為廐廐一僕夫六廐成校校有左右
駑馬三良馬之數麗馬一圉八麗一師八師一趣

馬八趣馬一馭夫天子十有二閑馬六種邦國六

閑馬四種家四閑馬二種凡馬特居四之一春祭

馬祖執駒夏祭先牧頒馬攻特秋祭馬社臧僕冬

祭馬步獻馬講馭夫凡大祭祀朝覲會同毛馬而

頒之軍事物馬而頒之

鄭康成注校者校也主馬者必仍校視之校人馬官

之長趣馬下士阜一人徒四人掌贊正良馬而齊其

飲食簡其六節

鄭康成注趣馬趣養馬者也鄭司農云詩蹶惟趣馬巫馬下

士二人醫四人府一人史二人賈二人徒二十人

掌養馬疾而乘治之

鄭康成注巫馬知馬祖先牧馬社馬步之神者馬病若有

犯馬則知之是以使與醫同職賈公彥疏巫知馬崇醫知馬病有賈者治馬死生須知馬價也

牧師下士四人胥四人徒四十人掌牧地皆有厲

禁而頒之孟春焚牧中春通淫掌其政令凡田事

贊焚萊

鄭康成注牧師主牧放馬而養之

庾人下士閑二人史二

人徒二十人掌十有二閑之政教以阜馬佚特教

馳攻駒及祭馬祖祭閑之先牧及執駒散馬耳圉

馬正校人員選

鄭康成注庾之言數校人謂師圉也正員選者選擇可備員者平之

賈公彥疏凡言正者以尊正卑自趣馬已
上並上官非廋人所正故知所正者師圉

圉師乘

一人徒二人掌教圉人養馬春除蓐釁廐始牧夏
序馬冬獻馬圉人良馬匹一人駕馬麗一人掌養

馬芻牧之事以役圉師馬質中士二人府一人史

二人賈四人徒八人掌質馬馬量三物一曰戎馬

二曰田馬三曰駕馬皆有物賈網惡馬

鄭康成注
質平也主

買馬平其大
小之賈直

謹按今太僕之職本出于周官之校人而所掌

馬政則古今異宜有未可以概論者蓋成周之
世軍賦出于邱甸一邱出戎馬一匹一甸出戎
馬四匹畿內提封萬井出戎馬四萬匹皆民養
之于平日有軍旅則賦之其畜牧之事並不領
于有司若校人良馬五物惟以駕王之乘車貳
車從車駕馬一物則以供畿內小吏單騎及役
車之用而兵革不與焉國語所謂國馬足以行
軍公馬足以供賦者國馬即民馬蓋指邱甸所

出之馬而公馬即校人之王馬乃天子所駕用

者也

此據國語韋昭注一說以國馬即王馬與此不同

後世田井既廢

四邱出甲之法久已不行戎馬官自畜養由漢

以來內外廄及諸牧苑悉以屬之太僕國馬王

馬遂併隸一官下逮唐宋復以中廄所畜者別

主之殿中監尚乘局御馬院等官

殿中監尚乘局皆唐置御

馬院宋置說詳上駟院篇

而太僕惟掌國馬于是校人所司

王馬之政又不盡在厠卿矣

本朝定制自口外諸牧場及八旗直省營馬並分職經理各有司存其

天閑供御之乘則掌之上駟院太僕所管惟左右翼牧廠為國馬之一周禮校人之職其實當在上駟院而馬官沿革所自通典諸書悉以繫之太僕寺故仍互見于此表以明緣起焉

秦

冊府元龜周穆王置太僕正掌輿馬秦因之

唐六典太僕秦官

爾雅釋畜注秦有駉蹄苑

謹案秦時有駉蹄苑則必有苑官可知漢牧苑之制已始于此

漢

漢書百官公卿表太僕掌輿馬有兩丞屬官有太廄未央家馬三令各五丞一尉又車府路軫騎馬駿馬四令丞又龍馬閑駒橐泉駒駟乘華五監長

丞又邊郡六牧師苑令各三丞又牧橐昆䟽令丞
皆屬焉

謹案太僕掌校人之職當始於秦漢之間考成
六年傳韓獻子將新中軍且為僕大夫公揖而
入獻子從公立於寢庭杜謂獻子兼太僕蓋公
自路門外揖而入于路寢庭而獻子從公以其
為太僕掌正服位故出入必從也然則春秋時
太僕本職猶與周禮相合襄九年傳使皇父命

校正出馬正義校正主馬于周禮為校人成十八年傳弁糾御戎校正屬焉註校正主馬官正義校正當周禮校人哀三年傳校人乘馬註云校人掌馬然則春秋時主馬政者仍是周禮校人未見其掌于太僕冊府元龜謂周穆王時太僕掌輿馬以太僕本為王馭故云掌輿馬未必若漢時之主五監六廄也其合太僕校人為一職則自漢書百官公卿表始也

荀悅漢紀太僕掌輿馬屬官

杜佑通典太僕漢初夏侯嬰常為之

漢書曰夏侯嬰為沛公太

僕常奉車自高帝至文帝常為太僕又石慶為太僕御出上問車中幾馬慶以策數馬畢曰六馬

領五監六廄各有令

謹案漢紀韓信事項羽為郎中羽不能用而去

歸于漢坐事當斬已伏鎖仰視乃見夏侯嬰曰

王不欲取天下也而斬壯士太僕嬰言於王赦

之不誅蓋太僕主出入王之大命夏侯嬰時為

太僕故得言之于王也漢制近古此為一端

漢書本紀如淳注漢儀注太僕牧師諸苑三十六所分布北邊西邊以郎為苑監官奴婢三萬人養

馬三十萬匹

顏師古曰養鳥獸者通名為苑故謂牧馬處為苑

三輔黃圖太僕御屬車八十一乘

揚雄太僕箴肅肅太僕車馬是供鋤鋤和鸞駕彼時龍王用三驅前禽是射僕夫執絳載駢載駟我輿云安我馬惟閑雖馳雖驅匪逸匪愆昔有淫羿

馳騁忘歸景公千駟而淫于齊牧于垌野詩人興
魯僕臣司駕敢告執皂

漢書地理志北地郡靈川縣有河奇苑號非苑歸
德縣有堵苑白馬苑郁郅縣有牧師苑官遼東郡
襄平縣有牧師官西河郡鴻門縣有天封苑

後漢書百官志太僕卿一人中二千石掌車馬天
子每出奏駕上鹵簿用大駕則執馭丞一人比千
石未央殿令一人六百石主乘輿及殿中諸馬長

樂廢丞一人舊有六廢皆六百石令中興省約但
置一廢後置左駿令廢別主乘輿御馬後或并省
又有牧師苑皆令官主養馬分在河西六郡界中
中興皆省惟漢陽有流馬苑但以羽林郎監領

謹案前漢紀景帝紀太僕周舍為御史大夫宣
帝紀太僕陳萬年為御史大夫成帝紀太僕王
音為御史大夫蓋御史大夫為丞相之副太僕
為漢九卿之一秩二千石故太僕得擢御史大

夫也又由太僕竟為丞相者太僕公孫賀為丞相是也可以證太僕一官在漢九卿為尤顯後漢紀太僕張純為大司空太僕鄧盛為太尉則由太僕而為三公蓋襲前漢之制

劉昭後漢書志注太僕員吏七十人其七人四科一人二百石文學八人百石六人升食七人佐六人騎吏三人假佐三十一人學事一人官醫

歐陽詢藝文類聚續漢書曰趙岐獻帝以為太僕

謹案秦漢以太僕主輿馬杜佑謂其兼有周官校人掌馬巾車掌車之任故當時太僕卿執馭奉車及奏鹵簿其職實如今之鑾儀衛固不獨典司牧事也即以牧事而論所轄五監六廄及牧師諸苑亦兼國馬王馬之政而統治之三國志載魏王朗稱西京中廄則駢駟駙馬六萬餘匹外牧則扈養三萬而馬十之益皆隸之于太僕今制

內廄馬匹悉屬上駟院太僕止管左右翼二牧廄
是所掌但有外牧而乘輿御馬不預焉故以漢
制準之惟諸牧苑令丞主邊郡養馬當如今右
司之職牧索令丞主牧養索駟當如今左司之
職苑監官當如今牧場總管之職若太廄未央
等令丞則專司天子中廄之畜當為今上駟院
之職已非太僕所自承特以前代職制不同未
可盡畧故仍互見于此而其詳則著于上駟院

篇內云

三國

三國蜀志後主傳太僕蔣顯

通典後漢太僕亦掌車馬魏因之

三國魏志潘尼列傳尼為太僕造乘輿箴

魏文帝追謚杜畿詔昔冥勤其官而水死稷勤百
穀而山死故尚書僕射杜畿子孟津試船遂至覆
沒忠之至也朕甚愍焉追贈太僕謚曰戴侯

謹案後漢志尚書僕射秩六百石太僕秩二千石魏制當與後漢同以六百石擢二千石蓋追贈特優其典也

洪适隸釋魏公卿上尊號奏太僕臣憂

唐六典魏置牧官都尉

謹案漢牧師苑令其所治雖在邊郡而實為太僕屬官當如明行太僕寺之比至魏之牧官都尉則又別置職名為後來監牧所自出當如今

之牧場總管也

晉

晉書職官志太僕統左右中典牧都尉車府典牧
乘黃廐驂騮廐龍馬廐等令自元帝渡江之後或
省或置太僕省故驂騮為門下之職

藝文類聚晉諸公贊曰郭展為太僕留心於養生
是以廐馬充牣其後征吳得以濟事

唐六典晉太僕過江省其後又置成帝永和七年

省併宗正蓋有事則權置無事則省

謹案自晉以迄唐代皆沿漢制太僕兼管輿馬
故所屬如車府令為今鑾儀衛之職乘黃驊騮
龍馬諸廄令為今上駟院之職俱已分別析載
惟典牧令專司牧政正與今太僕寺右司職掌
相合故獨繫之於此表後皆仿此

宋齊梁陳

通典太僕宋以來不常置郊祀則權置太僕執轡

事畢則省齊亦然

謹案宋齊二代不置太僕而別有乘黃令屬太常驛騶丞屬侍中以掌乘輿廐馬又御史臺有庫曹以主廐牧是國馬王馬其職固各有所分屬也

梁簡文帝馬寶頌五月丁酉朔詔以馬寶示羣臣太僕效官趣馬掌贊八麗四圉給役相趨暉煜金鑣陸離寶勒鸞眄善鳴龍儀美稱總轡崑岑周非

吾馭張樂大野夏有慙德乾道應坤馬來度玉關
升玉臺千夫駟百龍媒永伏阜掃駒駼秣瑤粟委
芳芻九夷款四表清毗胥樂輿頌興

隋書百官志梁置太僕卿為夏卿統南馬牧左右
牧龍殿內外廢丞

通典梁太僕卿位視黃門侍郎陳因之

徐堅初學記太僕梁又置之加卿字曰太僕卿後
皆因之

謹案梁代雖置太僕而乘黃署仍屬太常故太僕惟司牧政不典車輅簡文帝馬寶頌稱太僕效官亦以其典龍廢也近世問寺專為馬官其權輿已見于此矣

北魏

魏書官氏志太僕第二品上太和中又置少卿改太僕卿正三品少卿正四品

楊銜之洛陽伽藍記劉騰宅東有太僕寺

唐六典後魏太僕卿第二品上又置少卿太和二十二年九卿並第三品

魏書官氏志延興四年二月置外牧官太和十五年十二月置都牧官太和八年令典牧都尉從第五品中

司馬光資治通鑑魏蕭寶寅死于駝牛署胡三省注後魏有駝牛都尉署者其寺舍也五代史志太僕寺之屬有駝牛署

王應麟玉海魏太武太延二年冬于雲中置野馬苑平朔方隴右以河西水草善以為牧地馬三百餘萬匹橐駝半之孝文後以河陽為牧場戎馬十萬匹歲自河西徙牧并州漸南欲其習水土馬之盛無如後魏

謹案後魏太僕職掌不見于史據魏書高祖本紀有太和十一年詔太僕乘具出其大半班賚百官之文則亦兼掌車馬也至外牧都牧二官

其所司亦未詳考魏世雲中河西河陽并州皆有牧地外牧當專司畜養蓋即典牧都尉之職如今之牧場總管其都牧官當在京師以司羣牧賞罰之令故高祖本紀又有罷都牧雜制之文見太和十四年其職蓋如今太僕寺之右司至駝牛都尉專主駝隻則又如今之左司矣

北齊

隋書百官志後齊太僕寺置卿少卿丞各一人有

功曹五官主簿錄事等員掌諸車輦馬牛畜產之屬統驛驢左右龍左右牝牛司羊乘黃車府等署令丞左龍署有左龍局右龍署有右龍局左牝署有左牝局右牝署有右牝局馳牛署有典馳局諸局並有都尉

謹案周官校人特居四之一說者謂一特三牝故衛風稱駉牝三千月令季春乃合累牛騰馬遊牝于牡三代馬政所以順生息之理而滋其

蕃庶也北齊置左右牝署令丞後周置典牝上
士中士其義蓋本諸此今太僕寺左右兩翼牧
場設牝馬一百六十羣每羣二百四十六匹至
一百三十二匹有差扇馬三十二羣每羣二百
有五匹至五十九匹有差與三牝一特之制洵
為相合矣至北齊太僕寺復仿漢晉之制置驛
騶乘黃車府等署隋唐因之今並析繫于鑾儀
衛上駟院表內云

後周

通典後周官品正三命夏官典牝典牡等上士正
二命夏官典牝典牡等中士正一命夏官典
駝下士

隋

隋書百官志太儀寺置卿少卿各一人尋加少卿
一人丞三人主簿二人錄事二人又有獸醫博士
員一百二十人統驛驢乘黃龍廐車府典牧等署

各置令二人丞二人典牧丞三人隴右牧置總監
副監丞以統諸牧其驛驢牧及二十四軍馬牧每
牧置儀同及尉大都督帥都督等員原州馳牛牧
置尉苑川十二馬牧每牧置大都督及尉各一人
帥都督二人煬帝即位多所改革太僕減驛驢署
入殿內尚乘局改龍廄曰典廄署有左右馭阜二
廄加置主乘司庫司廩官隴右諸牧置左右牧監
各一人以司統之

謹案新唐書屈突通傳稱通在隋為虎賁郎將
隋文帝命覆隴西牧簿得隱馬二萬匹帝怒收
太僕卿慕容奚達監牧官吏千五百人將悉殊
死通固爭得以減論據此是隋之諸牧監悉統
轄於太僕寺蓋典牧署實主其事如今右司之
職也

唐

新唐書百官志太僕寺卿一人少卿二人丞四人

主簿二人錄事二人掌廢牧輿輦之政總乘黃典
廢典牧車府四署及諸監牧凡監牧籍帳歲受而
會之上駕部以議考課諸牧監上牧監監各一人
副監各二人丞各二人主簿各一人中牧監副監
丞減上牧監一員

案史文不言下牧
監當與中牧監同

南使西使丞

各三人錄事各一人北使鹽州使丞各一人掌羣
牧孳課凡馬五千為上監三千為中監不及為下
監馬牛之羣有牧長有尉馬之駕良皆著籍良馬

稱左駕馬稱右每歲孟秋羣牧使以諸監之籍合為一以仲秋上於寺孳生過分有賞死耗亦以率除之歲終監牧使巡按以功過相除為考課

初學記龍朔二年改太僕為司馭寺咸亨中復舊光宅元年改為司僕寺神龍元年復故

唐六典秦漢太僕屬官有牧師苑令魏晉以下皆監牧之職隋太僕寺統典牧署令丞唐朝因之置典牧署令三人丞四人監事八人

新唐書兵志監牧所以畜馬也其制始于近世唐之初起得突厥馬二千匹又得隋馬三千於赤澤岸徙之隴右監牧之制始于此其官領以太僕其屬有牧監副監監有丞有主簿直司團官牧尉排馬牧長羣頭有正有副歲課功進排馬初用太僕少卿張萬歲領羣牧自貞觀至麟德四十年間馬七十萬六千置八坊岐幽涇寧間地廣千里為四十八監馬多地狹不能容又析八監列布河西豐

曠之野後以太僕少卿鮮于匡裕檢校隴西監牧
儀鳳中以太僕少卿李思文檢校隴西諸牧監使
監牧有使自此始又有羣牧都使閑廢使使皆置
副又立四使其後益置八監于鹽州三監于嵐州
李吉甫元和郡縣志貞觀中自京師東赤澤岸移
馬牧于秦渭二州之北會州之南蘭州狄道縣之
西置監牧使以掌其事仍以原州刺史為都監牧
使以管四使南使在原州西使在臨洮軍北使東

宮使寄治原州天寶中諸使共有五十監南使管十八監西使管十六監北使管七監東宮使管九

監

謹案唐置殿中監及尚乘局以主內殿太僕專司羣牧與今制差為相近惟乘輿輦輅猶屬之太僕寺故別有乘黃車府等署蓋兼有今鑾儀衛職掌也至監牧使領之于太僕少卿疑諸監歲時閱視皆以少卿往蒞其事故獨專使名正

如今太僕寺堂官每歲赴牧場稽察之職其以
原州刺史為都監牧使則又如今以察哈爾副
都統為統轄兩翼牧場總管耳

張說羣牧頌大唐接周隋亂離之後承天下戰陣
之弊鳩括殘燼僅得牝牡三千從赤澤岸徙之隴
右始命太僕張萬歲葺其政焉而奕世載德纂修
其緒肇自貞觀成於麟德四十年間馬至七十萬
六千匹置八使以董之設四十八監以掌之跨龍

西金城平涼天水四郡之地幅員千里猶為隘狹
更析八監布於河西豐曠之野乃能容之於斯之
時天下以一縑易一馬秦漢之盛未始聞也張氏
中廢馬官亂職開元皇帝既登大寶水瑞感而河
龍出星精應而天駟下二年春乃更以王毛仲主之
謹案張說時為隴右羣牧使故作是篇

邠昂岐邠涇寧四州八坊碑頌序云張萬歲傍隴
右字之四十年間成七十萬六千匹開元初唯得

二十四萬匹至十九年復成四十四萬匹上耕籍
之明年命邠公典馬政公召入咨元祐作小司空
兼牧圉匪燒匪剔斯馬斯才先是國家以岐山近
甸幽土晚寒寧州壤甘涇水流惡澤茂豐草地平
鮮原當古公走馬之郊接非子大邱之埜度其四
境分署八坊其五在岐餘在三郡保樂第一甘露
第二保樂者隋石門馬坊也甘露先置在九成苑
外有詔令新保樂徙甘露

唐會要貞觀十五年尚乘奉御張萬歲為太僕少卿領羣牧不入銜麟德三年正月少卿鮮于匡裕檢校隴右羣牧雖入銜未置使儀鳳三年十月少卿李思文檢校隴右諸牧監使始有使號其後蘇幹等二十九人為之元和十二年十月閑廐使張茂宗奏取麟游岐陽牧地三百四十七頃盡歸國家侍御使范傳式覆實

謹案唐會要貞元十三年福建觀察使柳冕奏

置萬安牧監於泉州索部內馬五千七百匹以
為監牧之資人大擾二十一年四月丙寅罷之
元和十四年五月己亥淮南置臨海監節度使
兼之太和十月廢蓋牧馬宜于秦隴萬安臨海
設監非其所也故設監之始亦第以節度觀察
兼攝其事而不置使以其旋設旋廢制有未定
不及置使也

五季

五代史周本紀廣順二年太僕少卿王演使于高麗

五代史何澤列傳澤以太僕少卿致仕

謹案五季諸寺監皆依唐制備官太僕少卿屢見于歐史紀傳而不及太僕卿蓋史文偶畧也

宋

宋史職官志太僕寺卿少卿丞主簿各一人掌車輅廄牧之令少卿為之貳丞叅領之總國之馬政

籍京都坊監畿甸牧地畜馬之數謹其飼養察其
治療考蕃息損耗之實而定其賞罰馬死則歛其
駿尾筋草入于官府凡閱馬差次其高下應給賜
則如格歲終鈎覆帳籍以上駕部舊制判寺事一
人以朝官以上充凡邦國廢牧車輿之政令分隸
羣牧司驥驥院諸坊監本寺但掌天子五輅屬車
后妃王公車輅給大中小祀羊元豐官制行始歸
本寺分案五置吏十有八元祐二年詔外監事令

本寺依羣牧司舊法施行應內外馬軍專隸太僕
直達樞密院更不經尚書省及駕部三年詔省主
簿一員崇寧二年詔太僕寺依舊制不治外事歸
尚書駕部應馬事上樞密院

馬端臨文獻通考宋太僕寺所隸官司十車輅院
騏驥院左右天駟監鞍轡庫養象所馳坊車營致
遠務上下監中興後廢太僕併入兵部

謹案宋太僕寺所屬如車輅院養象所為今鑾

儀衛之職騏驎院天駟監為今上駟院之職鞍轡庫為今武備院之職俱已分析別著于表惟馳坊監官專主馳隻則正與今左司職事相合故仍繫之于此篇

宋史職官志羣牧司制置使一人景德四年置以樞密使副為之至道二年罷而復置使一人咸平三年置以兩省以上官充副使一人以閤門以上及內侍都知充都監二人以諸司使以上充判官

二人以京朝官充掌內外廩牧之事周知國馬之政而察其登耗焉其副使都監多不備置判官都監每歲更出諸州巡坊監點印國馬之蕃息者

玉海太平興國五年改河南飛龍院大名養馬務洺州養馬務衛州二監管城馬務同州馬務相州馬坊澶州馬務白馬龍馬監並為牧龍坊景德二年七月羣牧使趙安仁言按唐六典凡馬有左右監以土地為名欲改牧龍坊為監仍鑄印給之于

是河南為洛陽監天雄軍為大名監洺州為廣平
監衛州為淇水監鄭州為廣武監同州為沙苑監
相州為安陽監澶州曰鎮寧滑州舊龍馬監曰靈
昌熙寧元年詔河南北分置監牧使都監各一員
命劉航為河南監牧使崔台符為河北監牧使諸
馬監分屬兩使久任以責成效八年罷河南北監
牧惟存沙苑一監隸羣牧司

謹案宋代內外馬政初皆掌於羣牧司元豐始

歸其事太僕旋亦省廢是宋之羣牧司即今太僕寺之職蓋使副如今之卿少卿判官如今之右司員外郎而河南北諸馬監分置監牧使都監等官則如今之牧場各總管也

遼

王圻續文獻通考遼南面有太僕寺及諸牧監

遼史百官志羣牧職名總目○某路羣牧使司某羣太保某羣侍中某羣敞史○總典羣牧使司總

典羣牧部籍使羣牧都林牙○某羣牧司羣牧使
羣牧副使○西路羣牧使司○倒塌嶺西路羣牧
使司○渾河北馬羣司○漠南馬羣司○漠北滑
水馬羣司○已上羣牧官

金

續文獻通考金不置太僕寺而尚廐局屬殿前都
提點司明昌四年置諸羣牧所

金史兵志金初因遼諸茂

滿洲語樹木也
原作抹今改正

而置羣

牧天德間置德肯鄂爾多

滿洲語德肯微高也鄂爾多事也原作迪河幹

孕今改正

阿爾本

蒙古語十數也原

富僧額

滿洲語孳生也原作

蒲速幹今改正

雅蘇

蒙古語胃也原

烏哲

蒙古語看也原

五羣牧所皆仍遼舊名各設官以治之又于諸色

人內選家富丁多及品官家子明安穆昆

解見理藩院篇

佛寧軍

滿洲語佛寧羣也原作蒲華今改正

與司吏家餘丁及奴使

之司牧謂之羣子分牧馬駝牛羊為之立蕃息衰

耗之刑賞後稍增其數為九契丹之亂亡其五世

宗置所七大定二十年更定羣牧官詳衮托迪蒙古

語鸚鵡也原作知把羣牧人滋息損耗賞罰格脫朶今改正

金史百官志諸羣牧所又國言謂烏呼濟庫蒙古語滋

生也原作烏魯古今改正提控諸烏呼濟庫二員正四品明昌

四年置是年以安遠大將軍尚慶局使舒穆魯貞燕慶州刺史為之設女直司吏三人譯一

人通事一人舒穆魯原作使一員從六品國言石抹今依八旗姓譜改正

呼濟庫使副使一員從六品掌檢校羣牧畜養蕃息之

事判官一員正八品掌簽判本所事知法一員從

八品惟班第音

蒙古語小僧也原作板底因今改正

烏濟

滿洲語養也原作烏

解今騰

滿洲語極也原作忒恩今改正

羣牧依此置

謹案遼金皆有尚廩司掌王馬之政故遼太僕

惟典羣牧金則并省其官而以提控諸烏呼濟

庫當太僕之職遼之總典羣牧部籍使其所掌

亦近今之太僕寺至羣牧使副及馬羣太保侍

中之類則在外專司蕃息乃唐宋牧監之比正

如今之牧場總管等官也

元

元史百官志太僕寺秩從二品掌阿克塔斯馬匹

蒙古語阿克塔斯衆驕馬也原作阿克塔斯今改正

受給造作鞍轡之事中

統四年設羣牧所至元十六年改尚牧監十九年
又改太僕院二十年改衛尉院二十四年罷院立
太僕寺又別置尚乘寺以管鞍轡而本寺止管阿
克塔斯馬匹二十五年隸中書置提調官二員大
德十一年復改太僕院至大四年仍為寺卿二員

從二品少卿二員從四品丞二員從五品經歷知
事照磨管勾各一員令史七人譯史知印通事各二
人奏差四人回回令使一人典史二人

蘇天爵元大類經世大典序錄今牧馬之地東越耽

羅北踰和琳圖們

蒙古語二十萬數也原
作火里禿麻今改正

西至甘

肅南暨雲南凡二十四所又大都上都以及鄂尼

巴雅爾

蒙古語長喜也原作
玉你伯牙今改正

濟蘭格爾

蒙古語六
十間房也

原作折連怯
呆兒今改正

周迴萬里莫非監牧之野在朝置太

僕典御馬左股烙官印號火印之馬太廟祀事及
諸寺影堂用乳酪則供牝馬駕仗及宮人出入則
供上乘馬供上及諸王百官桐乳取黑馬乳以奉
玉食謂之細乳諸王百官者謂之粗乳又自世祖
皇帝而下山陵各有鄂瑪堆唐古特語鄂瑪奶漿也堆収也原作醞都
今改取乳以供祀事號金陵擠馬

元政典牧地馬羣或千百或三五十牧人曰哈噶
齊哈喇齊蒙古語哈噶齊圍繞也哈喇齊瞭望也原作哈赤哈刺赤今改正有千

戶百戶父子相承任事自夏及冬隨地之宜行逐水草十月各至本地朝廷以九月十月遣守官馳驛閱視較其多寡有所產駒即烙印取勘收除見在數目造蒙古回回漢字文冊以聞幸上都太僕卿以下皆從先驅馬出健德門外取其肥可取乳者以行汰其羸瘦不堪者還于羣車駕還京師太僕卿先期遣使徵馬五十鄂瑪堆來京師鄂瑪堆者承乳車之名也既至俾哈噶齊哈喇齊之在朝

為卿大夫者秣飼之寺官亦以旬詣閑廐閱肥瘠
凡卿位下正宮位下隨朝諸色目人及甘肅土番
等處草地內及江南腹地諸處應有係官孳生馬
牛牧地各置千戶百戶等各目

謹案元太僕寺供御馬蓋猶兼有今上駟院之
職而輿輅車輦已別領之尚乘寺則又與唐宋
之制不同至明代而太僕惟司牧政當亦沿元
之舊也

明

明史職官志太僕寺卿一人少卿二人寺丞四人
其屬主簿廳主簿一人常盈庫大使一人所轄各
牧監監正一人監副一人錄事一人各羣羣長一
人卿掌牧馬之政令以聽于兵部少卿一人佐寺
事一人督營馬一人督畿馬寺丞分理京衛畿內
及山東河南六郡孳牧寄牧馬匹凡軍民孳牧視
其丁產授之種馬牡十之二牝十之八為一羣歲

徵其駒曰備用馬齊其力以給將士將士足則寄
牧于畿內府州縣肥瘠登耗籍其毛齒而時閱之
三歲偕御史一人印烙選其良健而汰其羸劣其
草場已墾成田者歲斂其租金災祲則出之以佐
市馬其賠償折納則征馬金輸兵部主簿典勾省
文移大使典貯庫馬金初洪武六年置羣牧監于
滁州旋改為太僕寺秩從三品設卿少卿寺丞又
設首領官知事主簿各一人七年增設牧監羣官

七十七處隸太僕寺尋定羣牧監品秩十年增置
滁陽等各牧監及所屬各羣改牧監令丞為監正
監副二十二年定滁陽等十二牧監每監設監正
一人監副二人錄事一人來安等一百二十七羣
每羣設羣長一人二十三年增置江東當塗二牧
監及所屬各羣又罷烏衣等五十四羣改置永安
等七羣定為牧監十四羣九十有七二十八年悉
罷羣牧監以其馬隸有司牧養三十年置行太僕

寺于北平秩如太僕寺建文中陞寺丞品秩又改其首領官職名增設錄事及典廢典牧二署驕驥等十六羣滁陽等八牧監龍山等九十二羣成祖復舊制永樂元年改北平行太僕寺為北京行太僕寺十八年定都北京遂以行太僕寺為太僕寺洪熙元年復稱北京行太僕寺正統六年定為太僕寺其舊在滁州者改為南京太僕寺

歸有光馬政志太僕寺統羣牧監令民養馬而太

僕專領之內廐自有御馬監惟或乏馬于太僕取之而鹵簿儀仗陳設大駕駕部與環衛司之皆不復關于太僕南京太僕寺故留京若行太僕寺苑馬寺亦并建無所統一遼東山西陝西有行太僕遼東陝西又有苑馬甘肅有行太僕而舊亦有苑馬苑馬之設遼東則有永寧監清河苑深河苑陝西則有長樂監開盛安定廣寧苑靈武清河萬安苑皆前代善水草之地苑馬之設最盛惟不領于

太僕與古異

明會典馬政有太僕苑馬寺專理而統于兵部几太僕寺南京太僕寺行太僕寺各以地方分屬而少卿之巡視提督寺丞之分管亦各有分地凡各屬皆有管馬官府以通判州以判官縣以丞簿衛以指揮所以千百戶弘治十八年令各州縣馬不及五百匹者罷管馬官以掌印官帶管此馬政之大槩也若內廐馬匹則領于御馬監部寺不得與

云

謹案自邱甸出車之制既廢秦漢以後戎馬皆
養于官而以太僕專司其事漢之牧師諸苑唐
之四十八監宋之十四監明之遼東陝西諸監
苑其制相沿利害得失之由具詳史冊說者謂
唐代牧馬蕃息稱為極盛然觀史載唐馬七十
萬匹而杜甫天育驃騎歌僅云四十萬則史家
誇飾亦難盡信兼之河西牧地旋陷吐蕃馬皆

市之回紇史稱四十緡始易一馬率駑瘠無用而緡帛皆取諸民江淮織輸人以為累其立法之敝尤可槩見宋初亦用監牧其後盡廢之以官馬責民守養于是戶馬保甲馬社馬之法興科條峻急賠償不訾重為民病馬益耗而民益困明代復踵其失悉牧之民間歲令納駒民苦養馬孳生輒害之則又改徵價銀有本色折色之例其草場牧地則勒馬戶佃種徵其子粒

軍民貽累無窮重以官吏侵漁有名無實終未
嘗收一騎之用自古馬政未有壞于明代者我
朝考牧精詳斯臧誌慶即口外草肥土衍之地分
置牧廠自太僕寺左右翼暨上都達布遜諾爾
達里岡愛烏梁海大凌河以及各蒙古部落孳
牧者共馬二十萬二千八百餘匹內地初無養
馬之煩而雲錦成羣遠軼前世其滿漢各營及
各省驛遞塘站馬共二十二萬五千二百餘匹

皆月給馬乾銀按地分飼條格周備咸資實用近者西土砥平遐方慕化哈薩克拔達克山等部競以所產上貢

天閑每歲復許令以馬市易所司差良駑定直不及內地三之一所用絲縑皆各織造平售織送公私利便仍于烏魯木齊及伊犁廣設牧羣以為新疆駐守各兵之用其羸則撥補內地各標營額缺蓋惟經理得宜故不動聲色而閑廢充

盈永久無弊牧政之善古今莫及彼駉牝垌野
播咏歌詩固無能比擬于萬一也

欽定歷代職官表卷三十一

府	丞	治中	通判
			同 中 丞
京兆丞 河南丞			長安 洛陽 今丞
	魏 治中		
	治中		丹陽 長丞
丹陽丞 代尹丞 河南丞			京兆 今
司馬 中			小司 市 上士
	贊 治		市署 今
京兆丞 京兆少 尹	治中		市署 今
開封少 尹 昭安少 尹	開封府 推官		開封府 判官
五京少 尹			
大興司 知 大興少 尹	大興府 推官		大興府 判官 市令司 今丞
大興路 都總管 府同知	大興路 治中		大興路 判官 通判
大興路 備天府	大興路 治中		

導訓授教學府	官等縣知平宛興大	使副門文崇
--------	----------	-------

咸陽令

長安令
長安丞

洛陽金
洛陽水

河南文
學家
錄

洛陽令

建康全

萬年金
洛陽金
河陰金

鄭臨安
成安
縣令

學司州文

大興長
安全
大興長
安全
安永

萬年
安全
萬年
平安

— 12 —

京兆府
經學士
士助君

1000

周 强

知州
祥符
縣事

二、

問新詩
學古詩

臨安府 財賦司

9 月

大興
平照
永主

究乎

天大興立
運平知縣
縣照案主

卷之六

文王
運興

大器晚成
後舉由
校所

頤天廟
懷德堂
愛日堂

學教
學正
錄

學授

崇文司
稅課司
副使

順天府

國朝官制

順天府尹漢人一人

正三品

丞漢人一人

正四品

尹掌

京畿治理凡田賦出納之政以時勾稽會直隸總督
而上其要於戶部凡師行則主和雇民車歲以立
春前一日率僚屬迎春東郊遂進春於
宮門退而頒春於民間以勸東作

耕耜則具耒耜絲鞭實青箱以種稯奉之以從鄉試則
充監臨凡考試咸司其供具焉丞掌學校之政令
鄉試則充提調官以佐尹而經理之員額俱順治
元年定雍正元年以來以部院大臣兼管府事皆
由

特簡無定員

治中漢人一人

正五品

通判漢人一人

正六品

治中掌供文武鄉會試之饗餼製卷以授諸生通

判掌京城各市牙僧之籍而權其常稅鄉會試則治其名簿焉

國初設治中一人通判三人推官一人順治六年省通判二人康熙六年省推官員額

經歷司經歷漢人一人從七品照磨漢人一人從九品司獄

司司獄漢人一人從九品崇文門副使漢人一人未入流

經歷掌出納文書照磨掌鄉試繕冊彌封之事司獄掌刑部所送軍流徒罪人收繫而發遣之副使

掌守崇文門庫藏員額俱順治元年定舊設有知

事一人檢校一人康熙六年省庫大使一人康熙

三十九年省崇文門大使一人康熙四十年省

大興縣知縣一人

正六品宛平縣同

縣丞一人

正七品

典史一人

未入流

巡檢三人

從九品

牐官一人

未入流

宛平縣知縣一人

縣丞二人主簿一人

正九品

典史一人巡檢四人牐官一

人

大興宛平知縣各掌其縣之政令與五城兵馬司

分壤而治撫和兆人緝禁姦匪頒布教條品秩服章視外縣加一等縣丞以下咸佐知縣以分掌其事焉又初設有廣源牘牘官一人順治十年省張家灣宣課大使一人康熙四十年省遞運所大使一人康熙三十八年省

儒學教授滿洲漢人各一人

正七品

訓導滿洲一人

正七品

漢人一人

從七品

掌八旗及京師黌序訓課之政

國初設府學漢人教授一人訓導六人京衛武學漢人教授一人訓導二人順治二年省武學訓導員額三年省府學訓導四人康熙四年又省二人十五年復設府學訓導武學訓導各一人雍正三年改京衛武學為順天府武學四年罷武學之制增置儒學滿洲教授訓導各一人

謹案順天府初止轄大興宛平二縣康熙十五年始以昌平良鄉等州縣併隸順天府今所屬

自大興宛平以外凡州縣二十有五設東西南
北四路同知以分領之皆兼統於直隸總督其
職制員數已別載入州縣篇故不具於此表

歷代建置

三代

尚書君陳命汝尹茲東郊孔安國傳命君陳正東
郊成周之邑里官司

謹案尹之訓為正洪範師尹惟日孔安國傳云

衆正官之吏孔穎達疏謂正官大夫與其同類之官為長則尹乃官僚居首者之號故春秋列國以尹名官者如楚有工尹連尹莠尹鍼尹環列之尹宮殿尹中殿尹寢尹監馬尹左尹右尹宋有大尹門尹之類屢見於左氏傳今京府稱尹昉於漢代則又取君陳尹茲東郊之文以為義謹首著於此

周禮地官鄉師下大夫四人各掌其所治鄉之教

而聽其治以國比之灋以時稽其夫家衆寡辨其
老幼貴賤廢疾馬牛之物辨其可任者與其施舍
者掌其戒令糾禁聽其獄訟大役則帥民徒而至
治其政令大軍旅會同正治其徒役與其輦輦歲
終則攷六鄉之治以詔廢置正歲稽其鄉器若國
大比則攷教察辭稽器展事以詔誅賞

謹案周時分建六官未有守令之職故後世京
師諸官府多與周制相承而京尹獨無可比附

自來考職官者皆以京尹為起於秦之內史而不復推及於周然以王城之地京大師衆民物繁阜不容無人焉以治之謹嘗叅稽經義尋繹原委而知地官之鄉師實與今京尹職守有相合者何以言之周法以六鄉為首善之區故司徒所主民事於六鄉為尤詳鄭司農謂百里以內為六鄉外為六遂四面而環王城鄉師四人以兩人共主三鄉其王城以內亦當在六鄉之

數故小司徒稽國中及四郊都鄙之夫家九比
之數鄉師以時巡國及野而調萬民之藉阡鄉
大夫登夫家之衆寡國中自七尺以及六十野
自六尺以及六十有五悉以國中與郊野對舉
知所謂國中者即如今之京城郊野即如今順
天府所轄州縣之地而皆屬鄉師又小司徒大
比六鄉四郊之吏平教治正政事鄭康成謂吏
在四郊之內主民事者而以六鄉統之亦如今

順天府屬州縣官之比故鄉師之職所謂掌其
戒令糾禁聽其獄訟治其徒役與其輦輦者無
一非令順天府所有事特周鄉師四人而後世
但臨以一尹則古今之各有異宜也至秦漢官
名之同於周舊者如太僕司隸之屬於取義尚
不甚相遠而獨內史之主京師則按之周官全
不得其命名之故惟考鄉大夫獻賢能之書於
王有內史貳之之文意者周秦之間鄉遂之制

既廢而三年大比之式尚存於內史因姑取其
名以代鄉師之官因襲變遷其由來固當有所
自耳

周禮地官司市下大夫二人上士四人中士八人
下士十有六人府四人史八人胥十有二人徒百
有二十人掌市之治教政刑度量禁令廛人中士
二人下士四人府二人史四人胥二十人徒二十
人掌斂市紵布總布質布罰布廛布而入于泉府

鄭康成注絇布列肆之稅
塵布貨賄諸物邸舍之稅

謹案日中為市欺詐易生故周禮特設司市以
董治之而質人以質其成塵人以歛其布皆所
以平爭而禁偽兩漢而後設市令丞於都城以
主百族交易其立制蓋本於此今市政之在各
州縣者已併隸於地方長吏惟順天府通判主
徵牙稅正與歛絇布塵布者其事相合蓋猶兼
有周司市及塵人遺意故並系之於表而歷代

市令長丞之職亦以類附及焉

秦

杜佑通典周官有內史秦因之掌治京師

三輔黃圖秦并天下置內史以領關中

史記秦始皇本紀咸陽令閭樂

漢

漢書百官公卿表內史掌治京師景帝二年分置

左內史右內史右內史武帝太初元年更名京兆

尹屬官有長安市廚兩令丞左內史更名左馮翊
長安四市長丞屬焉主爵中尉更名右扶風治內
史右地與左馮翊京兆尹是為三輔皆有兩丞秩
二千石丞六百石

三輔黃圖漢高祖定三秦更為渭南郡九年復為
內史始都之景帝分置左右內史此為右內史武
帝太初元年改內史為京兆尹與左馮翊右扶風
謂之三輔其治俱在長安城中

顏師古漢書注京兆在尚冠前街東入故中尉府
馮翊在太上皇廟西入右扶風在夕陰街北入故
主爵府長安以東為京兆長陵以北為左馮翊渭
城以西為右扶風

漢書趙廣漢傳廣漢遷京輔都尉守京兆尹

漢書王尊傳尊為諫大夫守京輔都尉行京兆尹
事

漢書酷吏傳義縱遷長安令直法行治不避貴戚

尹賞以三輔高第選守長安命得一切便宜從事
漢書趙廣漢傳使長安丞龔奢叩堂戶

漢書張敞傳敞守京兆尹賊捕掾絮舜下獄敞使
主簿持教告舜

漢書趙廣漢傳新豐杜建為京兆掾

漢書游俠傳萬章為京兆尹門下督從至殿中

謹案漢三輔雖並治長安然各有分壤其都城
以內不屬馮翊扶風故張敞傳稱京兆典京師

長安中浩穰於三輔尤劇而黃圖亦稱都城為
右內史地是長安城內全隸於京兆可知考之
於史如雋不疑為京兆尹京師吏民敬其威信
趙廣漢為京兆尹發長安吏自將至博陸侯霍
禹第廋索私屠酤又率長安丞捕賊而張敞為
京兆尹長安市無偷盜長安官司吏卒皆統帥
於京兆尹馮翊扶風所轄但在都城以外其於
長安吏事固未嘗有所預也至如趙廣漢王尊

之為京兆尹一以京輔都尉稱守一以諫大夫
守京輔都尉稱行其他似此者尚多殆當時以
此職最要不輕授人故俱先令攝署以觀其能
否耳又京兆賊捕掾門下督諸職不見於百官
表蓋京兆尹所自辟除如今照磨司獄之流歟
又案歷代京牧俱稱劇任而西漢之京兆尹尤
難稱職史所載能於其官者以韓張兩王為最
著大抵皆以武健嚴酷為用而循吏如黃霸等

一為京兆其聲望遂以頓減甚且獲罪罷官其
難治至於如此推求其故則漢之都城其大患
有二一曰豪猾一曰盜賊蓋漢初沿戰國之餘
習其豪民爭以游俠相尚報仇怨結刺客者方
羣聚於長安如王尊傳所稱宿豪大猾東市賈
萬城西萬章箭張禁酒趙放之徒無不結黨犯
法以撓吏權而諸陵既建陵邑盡徙天下豪家
富族以實關中積為姦藪如原涉傳所稱長安

五陵諸為氣節者實即一時亂政之尤又長安市偷盜盛行尹賞傳載城中薄暮塵起剽劫行者死傷橫道桴鼓不絕其事亦後世所罕有其他若發民治馳道發衛士詣北軍

俱見黃霸傳

為司

隸校尉發吏捕人

見王尊傳

悉責辦於京兆諸務冗

雜宜為守尹者芒刃稍頓即不能擊斷也然觀趙廣漢傳稱左馮翊右扶風皆治長安中犯法者從跡喜過京兆界廣漢嘆曰亂我治者常二

輔也足知當時三輔並建東西藏匿易以潛奸
故京兆更以掣肘為病亦由其立法之未為盡
善矣

後漢書百官志河南尹一人主京都二千石丞一
人

通典光武中興徙都洛陽改太守為尹章綬服秩
與京兆同主京都特奉朝請

後漢書董宣列傳特徵為洛陽令搏擊豪強莫不

震慄周紆列傳徵拜洛陽令貴戚踴躍京師肅清
王渙列傳遷為洛陽令以平居身得寬猛之宜
後漢書魯恭傳仁恕掾肥親章懷太子李賢注仁
恕掾主獄屬河南尹

劉昭後漢書志注漢官曰河南尹員吏九百二十
七人十二人百石諸縣有秩三十五人官屬掾史
五人四部督郵史部掾二十六人案獄仁恕三人
監津渠漕水掾二十五人百石卒史二百五十人

文學守助掾六十人書佐五十人循行二百三十人幹小史三百三十一人洛陽令秩千石丞三人四百石員吏七百九十六人十三人四百石鄉有秩獄史五十六人佐史鄉佐七十七人斗食令史嗇夫假五十人掾史幹小史二百五十人書佐九十人循行二百六十人

唐六典後漢河南尹屬官有洛陽市長丞

謹案東漢京兆尹左馮翊右扶風以陵廟所在

不改其號然品秩與諸郡太守同非京尹可比
今故不列於表至河南尹職任繁劇而洛陽特
置詔獄為刑名之總滙故洛陽令必以強幹者
居之每詔三公特選視西漢之長安令其任為
更重云

三國

裴松之三國志注傳子曰河南尹內掌帝都外統
京畿兼古六鄉六遂之士其民異方雜居多豪門

大族商賈胡貊天下四方會利之所聚而姦之所
生前尹司馬芝舉其綱而太簡次尹劉靜綜其目
而太密後尹李勝毀常法以收一時之聲嘏立司
馬氏之綱統裁劉氏之綱目以經緯之李氏所毀
以漸補之郡有七百吏半非舊也河南俗黨五官
掾功曹典選職皆授其本國人無用異拜人者嘏
各舉其良而對用之

唐六典魏有治中

謹案東漢河南尹員吏九百二十七人而曹魏時河南吏已減至七百人蓋其繁劇之形已較損於漢代矣

晉

晉書職官志郡皆置太守河南郡京師所在則曰尹又置主簿主記室門下賊曹議生門下史記室史錄事史書佐循行幹小史五官掾功曹史功曹書佐循行小史五官掾等員

太平御覽王隱晉書曰泰始六年詔曰河南大郡
四方表則中書令庾純清粹中正才經治化其以
純為河南尹

晉書王衍列傳衍轉河南尹樂廣列傳累遷侍中
河南尹

唐六典晉置別駕治中

司馬光資治通鑑晉惠帝永平九年洛陽令曹攄
謹案晉依漢魏之制置河南尹洛陽令於都城

按之職制自當以郡統縣然觀資治通鑑載惠
帝廢愍懷太子故臣冒禁拜辭司隸校尉滿奮
收縛送獄河南尹樂廣即便解遣而繫洛陽獄
者猶未釋都官從事孫琰說賈謐令釋之胡三
省註曰付郡者河南尹得解遣之繫洛陽獄者
尹不得與故未釋據此則河南洛陽各有獄其
在洛陽者皆令自決遣並不關白於尹疑當時
洛陽實主詔獄故其權獨重也

唐六典歷代所都皆為尹晉江左為丹陽尹

歐陽詢藝文類聚晉太興元年改丹陽內史為丹陽尹

晉書王坦之列傳遷中書令領丹陽尹劉惔列傳惔累遷丹陽尹為政清肅門無雜賓

謹案晉南渡後以建康為都城丹陽既改為尹則建康令亦當與洛陽令相同特其明文不見於史耳

唐六典市長丞東晉隸丹陽尹

宋齊梁陳

宋書州郡志丹陽尹治建業

南齊書百官志丹陽尹位次九卿下

謹案南朝諸代皆以楊州刺史為京輦重任以諸王領之丹陽尹職雖雄繁不免受制於楊州

宋彭城王義康傳義康領揚州刺史欲以所親劉斌為丹陽尹此即揚州與丹陽互相表裏之

一證宜前後任是官者多不能稱其職也

梁書王志列傳天監元年遷冠軍將軍丹陽尹袁
昂列傳普通三年為中書監丹陽尹

梁書太祖五王列傳安成王機普通二年遷明威
將軍丹陽尹衡山侯恭遷中書監丹陽尹恭世子
靜歷東宮領直遷丹陽丞

隋書百官志建康舊置獄丞一人天監元年詔依
廷尉三官置正平監又令三官更直一日分受罪

繫事無大小悉與令籌若有大事共詳三人具辨
脫有同異各立議以聞

資治通鑑梁太清二年建康令謝挺

隋書百官志陳丹陽尹中二千石品第五郡丞六
百石建康令千石品並第七

謹案梁以建康令主獄事至別置建康三官與
令籌決以重其職蓋亦沿漢晉洛陽令掌詔獄
之例陳書載陸虞判廷尉建康二獄事則其制

猶未改也

北魏

魏書官氏志延和元年三月改代尹為萬年尹代
令為萬年令後復代尹第三品上京邑市令代尹
丞從第五品中代郡通事第七品上高祖復次職
令河南尹第三品洛陽令第五品河南郡丞第六
品司州文學從第八品

通典後魏太和中遷都洛陽又置河南尹東魏曰

魏尹

南齊書封隆之列傳隆之父子繪仕魏為司徒左長史行魏尹事乾明初轉大司農尋正除魏尹

魏書世宗本紀正始元年八月詔洛陽令有大事聽面敷奏

魏書高謙之列傳謙為河陰令舊制二縣令得面陳得失時佞幸之徒惡其有所發聞遂共奏罷謙之上疏曰臣謬宰神邑實思奉法不撓臣父崇之

為洛陽令常得入奏是非所以朝貴歛手乞更明
往制庶姦豪知禁

謹案北魏初都平城孝文遷洛陽孝靜遷鄴故
代河南魏三郡皆為京尹至漢晉治京城者惟
洛陽一令而魏之河陰令亦得視洛陽稱為二
縣則如今大興宛平之並為京縣也

北齊

隋書百官志後齊司州置牧屬官有別駕從事史

治中從事史等員又領西東市署令丞及統清都
郡諸畿郡清都郡置尹丞中正功曹主簿督郵五
官門下督錄事主記議生及功曹記室戶田金租
兵騎賊法等曹掾中部掾等員鄴臨彰成安三縣
令各置丞中正功曹主簿門下督錄事主記議及
功曹記室戶田金租兵騎賊法等曹掾員

北齊書段榮列傳勅濟京城北隍司州治中崔龍
子清都尹丞李道隆鄴縣令尉長鄉臨彰令崔象

成安令高子微等並典作

謹案漢置司隸校尉督察京師魏晉以後以為
司州乃部刺史之任而京尹則郡太守之任各
有職事不相臨攝六朝改司州為揚州其權勢
始見偏重而亦未有統屬北齊置清都尹始統
之以司州牧與歷代稍有不同然考之列傳如
范陽王紹義等皆以宗室為之則其職亦未嘗
不重也

後周

唐六典後周復為京兆尹又置雍州牧

通典後周司市下大夫正四命小司市上士正三命

謹案唐六典稱後周置雍州牧又有京兆尹而當時依倣周制復設鄉伯中大夫小鄉伯下大夫上士中士等官其職掌所別不得而詳然稽之周書紀傳亦未見有曾為京兆尹者疑雖有

其名實未嘗授人也

隋

隋書百官志雍州置牧屬官有別駕贊務等員京兆郡置尹丞正功曹主簿金戶兵法士等曹佐等員并佐史二百四十四人大興長安縣置令丞正功曹主簿西曹金戶兵法士曹等員并佐史合一百四十七人雍州牧從二品京兆尹正三品雍州別駕贊務從四品大興長安令京兆郡丞從五品

大興長安丞從七品開皇三年罷郡以州統縣改別駕贊務為長史司馬煬帝罷州置郡京兆河南則俱為尹並正三品罷長史司馬置贊務一人以貳之京兆河南從四品上次置東西曹掾京兆河南從五品上大興長安河南洛陽四縣令並增為正五品其後諸郡各加置通守一人位次太守京兆河南則謂之內史又改贊務為丞位在通守下唐六典後周置雍州收隋因之大業三年罷州置

郡京兆河南皆為尹則兼牧之任矣

隋書百官志司農寺市署令二人市有肆長四十人煬帝定令太府寺管京都五市署京師東市曰都會西市曰利人東都東市曰豐都南西市曰大同北市曰通遠

謹案治中別駕贊務諸官歷代皆隸於司州至隋并州入郡始為京尹之佐其品秩視尹僅相去一階蓋如今順天府丞之職而當時又別有

京兆河南郡丞則秩止五品其班位在洛陽長安諸令之下乃京尹之屬僚非令府丞可比自隋煬帝後改贊務為丞而丞始定為尹貳名實異同固有不必其相沿者矣至贊務即治中所改考之唐六典則當時實作贊治今隋書之稱贊務者蓋修史時避高宗諱也

唐

唐六典京兆河南太原府牧各一人從二品尹一

人從三品掌清肅邦畿考覈官吏宣布德化撫和
齊人少尹二人從四品下掌貳府事以紀綱衆務
通判列曹司錄參軍事二人正七品上錄事四人
從九品上掌省署抄目糾正非違監守符印功曹
參軍事二人正七品下掌官吏考課之事倉曹參
軍事二人正七品下掌公廨倉庫租賦之事戶曹
參軍事二人正七品下掌戶籍計帳之事兵曹參
軍事二人正七品下掌兵甲器仗之事法曹參軍

事二人正七品下掌鞠獄定刑之事士曹參軍事
二人正七品下掌百工衆藝之事參軍事六人正
八品下掌出使檢討之事經學博士一人從八品
上助教二人以五經教授諸生○萬年長安河南
洛陽奉先太原晉陽令一人正五品上丞二人從
七品上令掌導揚風化撫字黎氓丞為之貳主簿
二人從七品上掌付事勾稽省署抄目糾正非違
監印給紙筆雜用之事錄事二人從九品下掌受

事發辰檢勾稽失

新唐書百官志武德元年雍州置牧一人以親王為之然常以別駕領州事永徽中改尹曰長史開元元年改京兆江南府長史復為尹

舊唐書百官志開元初雍洛并改為府乃升長史為尹從二品專總府事魏晉有治中隋文改為司馬煬帝改為贊治又為丞武德改為治中永徽避高宗名改為司馬開元初改為少尹

通典大唐京兆府本為雍州置牧一人以親王為之太宗為秦王中宗為英王睿宗為相王時並居其任多以長史理人開元元年改雍州為京兆府置牧如故掌宣風導俗肅清所部或以親王居閣而遙領焉初雍州置別駕以貳牧之事永徽中改別駕為長史開元初改雍州長史為京兆尹總理衆務

謹案自兩漢以州領郡雖京師所治亦然其司

隸校尉司州刺史司州牧雍州牧及江左所置
揚州刺史皆州任也歷代所為京兆河南丹陽
等尹者則郡任也隋文帝罷郡置州而尹之事
全併於牧煬帝復罷州置郡而牧之事又全併
於尹於是州郡之事始合為一牧尹之職亦混
而無所區分唐初置牧以為京府正官設別駕
長史以貳之而所謂牧者乃以未出閭之皇子
領其事於是使別駕長史專行郡事責重位輕

殊非大小相維之義元宗改長史為尹始克以正官莅職而領牧者仍並置不廢虛名無實終為枝冗失宜

國朝定制以府尹事繁常

命部院大臣一人兼司其事蓋亦領牧之遺意而事任益專綱條嚴肅於治理倍資整飭矣

又案隋唐以前畫疆分治者有州有郡未有府名唐元宗開元元年十二月改雍州為京兆府

洛陽為河南府於是兩都始建府治然特因京
郡重地故隆以此名其他則仍稱某州某郡而
已非得繫膺府號也自宋世以潛藩之地皆依
京郡故事升之為府於是府名始多然非諸帝
所嘗分封建節者仍不得預至元明始以天下
州郡槩改為府無復差別矣顧推求事始其府
名實為京郡而設謹附考於此以明原委焉

唐六典兩京諸市署令各一人從六品上丞各二

人正八品上掌百族交易之事

五季

五代史梁本紀末帝貞明五年開封尹王瓚

五代史唐本紀莊宗同光二年河南尹張全義家
人傳唐秦王從榮拜河南尹唐廢帝子重美自左
衛上將軍兼河南尹

五代史王朴傳遷左諫議大夫知開封府事

謹案五季梁都汴州置開封尹唐都洛陽為河

南尹石晉復都於汴仍為開封尹宗史職官志
謂五代俱置開封府尹者誤也

宋

宋史職官志開封府牧尹不常置權知府一人以
待制以上充掌尹正畿甸之事以教法道民而勸
課之中都之獄訟皆受而聽焉小事則專決大事
則稟奏若承旨已斷者刑部御史臺無輒糾察屏
除寇盜有姦伏則戒所隸官捕治凡戶口賦役道

釋之占京邑者頒其禁令會其帳籍大禮橋道頓
遞則為之使仗內奉引則差官攝收其屬有判官
推官四人日事推鞠分事以治而佐其長領南司
者一人督察使院非刑獄訟訴則主行之司錄參
軍一人折戶婚之訟而通書六曹之案牒功曹倉
戶曹兵曹法士曹參軍各一人視其官曹分職莅
事分案六置吏六百開封典司轂下自建隆以來
為要劇之任至熙寧間增給吏祿禁其受賕省衙

前後以寬民力釐折獄訟歸於廂官而治事視前
日損去十四元祐六年王巖叟言左右廳推官公
事詞狀初無通治明文請事繫朝廷及奏請通治
外餘並據號分治從之紹聖三年詔開封祥符知
縣事自令選秩通判人充崇寧三年蔡京奏乞罷
權知府置牧一員尹一員專總府事少尹二員分
左右二府之政事牧以皇子領之尹以文臣充在
六曹尚書之下侍郎之上少尹在左右司郎官之

下列曹郎官之上以士戶儀兵刑工為六曹次序
司錄二員六曹各二員參軍事八員開封祥符兩
縣置案倣此易胥吏之稱畧依唐六典制度又請
移開封府治所於舊尚書省從之五年詔開封尹
屬官參軍等並依舊員額大觀元年李孝壽乞增
置府學博士一員從之詔開封府六職閑劇不同
如士曹之官惟主到罷批書而刑戶事繁自今凡
士之婚田閭訟皆在士曹餘曹倣此二年詔皇子

領牧祿令如執政官又詔天下州郡並依開封府
分曹置掾政和二年復置開封府學錢糧官一員
○臨安府舊為杭州建炎三年詔改為臨安府紹
興置知府一員通判二員簽書節度判官廳公事
節度推官觀察推官觀察判官錄事參軍左司理
參軍右司理參軍司戶參軍司法參軍各一員本
府掌畿甸之事籍其戶均其賦役頒其禁令置兩
總轄承受御前朝旨文字凡御寶御批實封所有

取索則供進凡省臺寺監監司符牒及管下諸縣
及倉場等申到公事則受而理之凡大禮及國信
隨事應辦祠祭共其禮料會聚陳其幄帟人使往
來辦其舟楫皆先期飭於有司領縣九分士戶儀
兵刑工六案內戶案分上中下案外有免役案常
平案上下開拆司財賦司大禮局國信司排辦司
修造司各治其事置吏點檢文字都孔目官副孔
目官節度孔目官觀察孔目官各一名磨勘司主

押官正開拆副開拆官各一人下名開拆官二人
押司官八人前後行守分二十一人貼司三十人
乾道七年皇太子領尹事廢臨安府通判簽判置
少尹一員日受民詞以白太子間日率僚屬詣官
稟事置判官二員推官三員有旨少尹比做知府
判官比通判推官比幕職其統臨職分並照從來
條例九年皇太子解尹事臨安府知通簽判推判
官並依舊置

馬端臨文獻通考四朝志尹以親王為之號判南衙凡命知府必帶權字以翰林為之翰林學士及雜學士若待制則權發遣而已

顧炎武曰知錄宋初太宗真宗皆嘗為開封府尹後無繼者乃設權知府一人所以避京尹之名也李燾續資治通鑑長編英宗治平四年二月提點開封府界諸縣鎮公事祠部郎中陳汝義判三司都磨勘司知開封縣都官員外郎羅愷提點府界

諸縣鎮公事愷入見上問以開封事皆不能知上
不悅又見汝羲問以府界事應答詳敏翌日謂執
政曰愷不才宜復用汝羲代之仍與館職

謹案宋之開封府事權最重刑獄皆自斷決不
關刑部御史臺大理寺小者並不奏聞故居是
職者大都以幹辦著名而亦不免專恣之弊真
宗時以趙昌言奏始令其皆錄款聞奏付刑部
詳覈然定案猶在開封令制順天府屬刑名皆

歸直隸按察司審轉由總督題奏其京城訟獄
事關重大者則由府尹審錄送刑部治之職事
相維視宋制益為詳慎至宋崇寧中定開封府
掾屬為士戶儀兵刑工六曹開封祥符兩縣亦
準此式大觀初遂令天下州縣並依開封分曹
置掾今各直省府州縣書吏分六房以治案牘
實始於此特宋猶以流外官為之明初以來則
但以庶人在官者充其任其選為益輕耳

遼

遼史職官志某京留守行府尹事聖宗統和元年
見上京留守行臨潢尹事吳王某府少尹聖宗太
平四年見臨潢少尹鄭宏節

王圻續文獻通考遼南面五京尹為五京留守司
俱兼府尹職

謹案遼雖分建五京而每歲四時巡幸春秋
山實無定所並不常在京師故五京皆置留守

司令兼府尹之事軍民俱歸統轄蓋以駐蹕時少特重其權以資彈壓也

金

金史百官志大興府尹一員正三品掌宣風導俗肅清所部總判府事兼領本路兵馬都總管府事車駕巡幸則置留守同知少尹判官惟留判不別置以總判兼之同知一員從四品掌通判府事少尹一員正五品掌同同知總管判官一員從五品

掌紀綱總府衆務分判兵案之事府判一員從五
品掌諮議參佐糾正非違紀綱衆務分判吏禮工
案事推官二員從六品掌同府判分判戶刑案事
內戶推掌通檢推排簿籍舊一員大定五年增一
員知事一員正八品掌付事勾稽省署文牘總錄
諸案之事都孔目官女直司一員漢人司一員職
同知事掌監印監管案牘不常置省則吏目攝知
法三員從八品女直一員漢人二員掌律令格式

審斷刑名女直教授一員

○赤縣

謂大興宛平縣

令一員

從六品掌養百姓按察所部宣導風化勸課農桑
平理獄訟捕除盜賊禁止游惰兼管常平倉及通
檢推排簿籍總判縣事丞一員從八品掌貳縣事
主簿一員正九品掌同縣丞○市令司惟中都置
令一員正八品丞一員正九品

謹案宋代始以府名加潛藩之地金則大郡亦
多升為府金史地理志謂之散府元明而後天

下州郡悉改稱府其原實起於此時又散府守
臣得並稱為尹其制亦與歷代為不同云

元

元史百官志大都路都總管府秩正三品達魯噶

齊

解見戶部篇

二員都總管一員副達魯噶齊二員同

知二員治中二員判官二員推官二員經歷二員

知事二員提檢案牘四員照磨兼管勾一員令史

九十有五人譯史二人回回令史一人通事知印

各二人奉差二十一人國初為燕京路總管大興府中統五年稱中都路至元九年改號大都二十一年始專置大都路總管府秩從三品置都達魯噶齊都總管等官二十七年升為都總管府進秩正三品領府一州十有一凡本府官吏惟達魯噶齊一員及總管推官專治路政其餘皆分任供需之事故又號曰供需府焉○大都路提舉學校所秩正六品提舉一員教授二員學正二員學錄一

員至元二十四年既立國學以故孔子廟為京學
而提舉學事者仍以國子祭酒繫銜○宛平縣秩
正六品達魯噶齊一員尹一員丞三員主簿三員
尉一員典史三員司吏二十六人至元十一年置
治大都麗正門以西○大興縣秩正六品達魯噶
齊一員尹一員丞一員主簿二員尉一員典史三
員司吏一十五人至元十一年置治大都麗正門
以東

謹案元於京都不稱府而稱路不置尹而置達
魯噶齊總管等員與外諸路無異特加都字為
稍有差別耳又考地理志中書省統山東西河
北之地謂之腹裏為路二十九首即大都路則
當時又屬於中書省也

明

明史職官志順天府府尹一人正三品府丞一人
正四品治中一人正五品通判六人正六品嘉靖

後輩三人推官一人從六品儒學教授一人從九品訓導一人其屬經歷司經歷一人從七品知事一人從八品照磨所照磨一人從九品檢校一人所轄宛平大興二縣各知縣一人正六品縣丞二人正七品主簿無定員正八品典史一人司獄司司獄一人從九品都稅司大使一人從九品副使一人宣課司凡四正陽門外正陽門張家灣蘆溝橋稅課司凡二安定門外安定門各大使一人從

九品稅課分司凡二崇文門德勝門各副使一人
遞車所批驗所各大使一人府尹掌京府之政令
宣化和人勸農問俗均貢賦節征徭謹祭祀閱實
戶口糾治豪強隱恤窮困疏理獄訟務知百姓之
疾苦歲立春迎春進春祭先農之神日朔望早朝
奏老人坊廂聽宣諭孟春孟冬率其僚屬行鄉飲
酒禮凡勲戚家人文引每三月一奏市易平其物
價遇內官監徵派物料雖有印信揭貼必補牘面

奏若天子耕耨行三推禮則奉青箱播種於後禮
畢率庶人終畝府丞貳京府兼領學校治中參理
府事以佐尹丞通判分理糧儲馬政軍匠薪炭河
渠堤涂之事推官理刑名察屬吏二縣職掌如外
縣以近涖輦下故品秩特優順天府即舊北平府
洪武二年置北平行省九年改為北平布政司皆
以北平為會府永樂初改為順天府十年陞為府
尹秩正三品設官如應天府順天府通判舊六人

一人管糧一人管馬一人清軍一人管匠一人管
河一人管柴炭嘉靖八年革管河管柴炭二人萬
厯九年革清軍管匠二人十一年復設一人兼管
軍匠

謹案京師為萬邦輻輳之區地大物博情偽易
滋故兩漢以來皆設京尹以董正之然厯代時
宜各異而規制亦有差殊大約漢之京兆尹主
於博擊豪強而生殺得以自由其弊也失之於

橫宋之開封尹主於綜核綱紀而凡事不由省
部其弊也失之於專南宋之臨安尹元之大都
路都總管府主於應辦官府一切中外供需之
事悉以委之其弊也失之於雜至明之順天府
尹資望益輕中官及廠衛皆得而役使之其失
職為尤甚矣

國家化行首善畿甸肅清

特簡大臣兼管府事以重其任而所屬各州縣則與

直隸總督叅司治理神皋赤縣綱舉目張洵所
謂都邑翼翼四方之極者也



欽定歷代職官表卷三十二